

# 文體明辯

廿九

78  
8  
不許帶


東 京 圖 書 館			
漢書門	文章類	函架號	冊
二	三	四	八

漢 書 門			
類	號	函	架
二	九	四	一
二	二	一	七
八	二	一	七

內 閣 文 庫			
漢書	函架號	冊	架
二	九	四	一
二	二	一	七
八	二	一	七

不許帶

內 閣 文 庫			
番號	漢	6122	
冊數	78(32)		
函號	362	30	





文體明辯卷之二十九

大明吳江徐師曾伯魯纂

盟誓

按禮記泣物曰盟劉勰云盟者明也祝告於神明者也亦稱曰誓謂約信之詞也三代盛時初無詛盟雖有要誓結言則退而已周衰人鮮忠信於是刑牲歃血要質鬼神而盟繁興然俄而渝敗者多矣以其為文之一體也故列之而以誓附焉夫盟誓之文必序危機獎忠孝共存亡戮心力祈幽靈以取鑒指九天以為正感激以

立誠切至以敷詞此其所同也然義存則克終  
道廢則渝始亦存乎人焉耳嗚呼總為斯言其  
知盟誓之要者乎

盟諸侯于踐土

周王子虎

襄王二十一年晉文公敗楚于城濮襄王下  
勞晉作王宮于踐土而獻楚俘于王王命  
尹氏及王子虎盟諸侯于王庭策命文公  
為伯王子虎盟諸侯于王庭要言曰  
皆獎王室無相害也有渝此盟明神殛之俾隊同  
其師也無克胙國及其玄孫無有老幼

盟楚于宋

晉士燮

周簡王七年宋華元克合晉楚之成晉士  
燮會楚公子罷許偃盟于宋西門之外曰

凡晉楚無相加戎好惡同之享其利同恤其危  
備救凶患若有害楚則晉伐之在晉楚亦如之交  
贊往來道路無壅謀其不協而討不庭有渝此盟  
明神殛之俾隊其師無克胙國

晉鄭同盟于亳

撰人闕

周靈王十年晉悼公會諸侯伐鄭  
鄭人懼乃行成同盟于亳載書曰  
凡我同盟毋蘊紆粉年不蘊積穀而毋壅利毋保  
姦毋留隱救災患恤禍亂同好惡獎王室或間茲  
命司慎司盟神名山名川群神群祀在祀先王  
祖帝乙鄭祖厲王之類先公始封七姓十二國之祖晉魯衛

其民隊命亡氏踏其國家  
姬姓新小邾曹姓宋子姓齊姜姓明神殛之俾失  
苗早姓杞姓薛任姓實十三國

盟衛人于宛濮

衛甯俞即甯

天禍衛國君臣不協成公欲與楚國以及此憂也  
謂出謂出今天誘其衷使皆降心以相從也不有居者  
誰守社稷不有行者誰扞牧圉馬即牧圉不協之故  
恐居者恐居者用昭乞盟于爾大神以誘天衷自今  
日以往既盟之後行者無保其力居者無懼其罪

有渝此盟以相及也相及惡明神先君是糾是殛

與克豫刺史共討董卓盟

漢臧洪

漢室不幸皇綱失統賊臣董卓乘釁縱害禍加至  
尊毒流百姓大懼淪喪社稷翦覆四海兗州刺史  
劉豫州刺史孔姓陳留太守邈張姓東郡太守瑁  
橋姓廣陵太守超適姓張等糾合義兵並赴國難凡  
我同盟齊心一力以致臣節隕首喪元必無二志  
有渝此盟俾墜其命無克遺育皇天后土祖宗明  
靈實皆鑒之

與蜀盟

吳大帝

天降喪亂皇綱失叙逆臣乘釁劫奪國柄始於董卓終於曹操窮凶極惡以覆四海至今九州幅裂普元無統民神痛怨靡所戾止及操子丕桀逆遺醜荐作姦回偷取天位而獻公磨尋不凶蹟阻兵盜土未伏厥誅昔共工亂象而高辛行師三苗干度而虞舜征焉今日滅敵禽其徒黨非漢與吳將復誰在夫討罪翦暴必聲其罪宜先分裂奪其土地使士民之心各知所歸是以春秋晉侯伐衛先分其田以界宋人斯其義也且古建大事必先盟

誓故周禮有司盟之官尚書有告誓之文漢之與吳雖信由衷然分土裂境宜有盟約諸葛丞相名德威遠著翼戴本國典戎在外信感陰陽誠動天地重復結盟廣誠約誓使東西士民咸共聞知故立壇殺牲昭告神明再歆加書副之天府天高聽下靈威斐謨司慎司盟群神群祀莫不臨之自今日漢吳既盟之後戮力一心同討魏賊救危恤患分災共慶好惡齊之無或攜貳若有害漢則吳伐之若有害吳則漢伐之各守分土無相侵犯傳之後葉克終若始凡百之約皆如載書信言不豔實

居於好有渝此盟創禍先亂違貳不協悞慢天命  
明神上帝是討是督山川百神是糾是極俾墜其  
師無克祚國于爾大神其明鑒之

與王僧辯共討侯景盟文

梁陳霸先

賊臣侯景凶羯小胡逆天無狀構造姦惡違背我  
恩義破掠我國家毒害我生民移毀我社廟我高  
祖武皇帝靈聖聰明光宅天下劬勞兆庶亭育萬  
民如我考妣五十所載哀景以窮見歸全景將戮  
之首置景要害之地崇景非次之榮我高祖於景

何薄我百姓於景何怨而景長戟彊弩陵蹙朝廷  
鋸牙郊甸殘食含靈剝肝斷趾不厭其快曝骨焚  
尸不謂為酷高祖菲食卑宮春秋九十屈志凝威  
憤終賊手大行皇帝簡文温嚴恭默丕守鴻名於  
景何有復加忍毒皇枝襁抱已上總功以遺窮刀  
極俎既屠且鱠豈有率土之濱謂為王臣食人之  
禾飲人之水忍聞此痛而不悼心况臣僧辯臣霸  
先等荷稱國藩湘東王臣繹泣血銜哀之寄摩頂  
至足之恩世受先朝之德身當將帥之任而不能  
瀝膽抽腸共誅姦逆雪天地之痛報君父之仇則

不可<sub>レ</sub>以<sub>レ</sub>稟靈含識戴<sub>レ</sub>天履<sub>レ</sub>地今日相國湘東王繹至孝  
玄感靈武斯發已破賊徒獲其元帥正餘景身尚  
在京邑臣僧辯與臣霸先協和將帥同心共契必  
誅凶豎尊奉相國嗣膺鴻業以主郊祭前途若有  
一功獲一賞臣僧辯等不推已讓物先身帥眾則  
天地宗廟百神之靈共誅共責臣僧辯臣霸先同  
心共事不相欺負若有違戾明神殛之

與高適來瑱盟

唐韋陟

安祿山カ之亂肅宗起韋陟爲吳郡太守兼  
江南東道採訪使未到郡肅宗使中官手  
詔追之未至鳳翔會江東太守王擅起兵今  
陟招諭除御史大夫兼江東節度使因與

淮南節度使高適淮南西節度使來瑱等同  
至安州陟謂道瑒曰今中原未復江淮動  
搖人心安危實在茲日若不齊盟質信以  
示四方今知三帥協心萬里同力則難以  
集事矣陟推瑒爲地主  
乃爲載書登壇誓衆曰

淮西節度使兼御史大夫瑒江東節度使御史大  
夫陟淮南節度使御史大夫適等銜國威命各鎮  
方隅糾合三垂翦除兇慝好惡同之無有異志有  
渝此盟墜命亡族皇天后土祖宗神明實鑒斯言  
陟等辭旨慷慨血淚俱下  
三軍感激莫不隕泣

與將士盟文

唐韋臯

德宗建中四年安祿山朱泚之亂帝幸奉  
天皇爲奉義軍節度使築壇于延血牲與

唐書卷一百一十五

將土等盟曰

上天不弔國家多難逆臣乘間盜據官闈而李楚琳亦翫兇徒傾陷城邑酷虐所知爰及本使既不事上安能卹下臯是用激心憤氣不遑底寧誓以羣公竭誠王室凡我同盟一心協力伏願除兇先祖之靈必當幽贊言誠則志合義感則心齊粉骨糜軀決無所顧有渝此志明神殛之追於子孫亦罔遺類皇天后土當兆斯言

與吐蕃相尚結贊等盟文

唐張鎰

唐有天下恢奄禹跡舟車所至莫不率俾以累聖重光卜年惟求恢王者之丕業被四海以聲教與吐蕃贊普代為婚姻因結鄰好安危同體甥舅之國將二百年其間或因小忿弃惠為讎封疆騷然靡有寧歲皇帝宗踐祚愍茲黎元乃釋俘囚悉歸蕃落二國展禮同茲協和行人往復累布成命是必詐謀不起兵革不用矣彼猶以兩國之要求之永久古有結盟今請用之國家務息邊人外其故地弃利墮義堅盟從約今國家所守界涇州西至彈箏峽西口隴州西至清水縣鳳州西至同父縣

唐書卷一百一十五



暨劔南西山大度河東為漢界蕃國守鎮在蘭渭  
原會西使臨洮又東至成州抵劔南西界磨在此  
諸蠻大渡水西南為蕃界其兵馬鎮守之處州縣  
見有居人彼此兩邊見屬漢諸蠻以今所分見住  
處依前為定其黃河以北從故新泉軍直北至天  
磧南至賀蘭山路駝嶺為界中間悉為閒由盟文  
所有不載者蕃有兵馬處蕃守漢有兵馬處漢守  
不得復越其先未有兵馬處不得雜置并築城堡  
耕種今二國將相受辭而會齋戒將事告天地山  
川之神照臨無得愆墜其盟文藏於郊廟副在有

司二國之成其永保之

與吐蕃使盟

唐撰人闕

穆宗長慶元年吐蕃以我與迴紇和親犯青塞堡鹽州刺史李文悅發兵進擊之吐蕃遣使請盟帝許之乃命大理卿兼御史大夫劉元鼎等充使副判官與吐蕃使盟宰臣及右僕射六曹尚書中執法太常司農卿京兆尹金吾大將軍皆預焉其詞曰  
維唐承天撫有八紘聲教所臻靡不來廷兢業齊栗懼其隕顛續武紐文疊慶重光克彰濟哲罔忝洪緒十有二葉二百有四載則我太祖權明號而建不拔鋪鴻名而垂永久類上帝以答嘉應享皇靈以酬景福曷有怠已越歲在癸當作丑冬十月

癸酉文武孝德皇帝詔丞相臣植崔姓臣播王姓臣元杜姓等與大將和蕃使禮部尚書訥羅論等會盟于京師壇于城之西郊坎于壇北凡讀誓刑牲加書復壤陟降周旋之禮動無違者蓋所以偃兵息久崇姻繼好懋建遠略規恢長利故也原夫昊穹上臨黃紙下載茫茫蠢蠢之類必資官司為厥宰臣苟無統紀則相滅絕中夏見管維唐是若西裔一方大蕃為主自今而後屏去兵革宿忿舊惡廓焉消除追崇舅甥曩昔結援邊埃撤警戍烽韜煙患難相恤暴掠不作亭障旣脫絕其交侵襟帶要

害謹守如故彼無此詐此無彼虞嗚呼愛人為仁保境為信畏天為智事神為禮有一不至構災干躬塞山崇崇河水湯湯日吉辰良奠其兩疆西為大蕃東實巨唐大臣執簡播告秩方猶言職方

百濟新羅盟文

唐劉仁軌

往者百濟先王迷於逆順不敦鄰好不睦親姻結託高麗交通倭國共為殘暴侵削新羅破邑屠城略無寧歲天子憫一物之失所憐百姓之無辜頻命行人遣其和好負險恃遠侮慢天經皇赫斯怒恭行弔伐旌旗所指一戎大定固可瀦宮汚宅作

誠來裔塞源拔本垂訓後昆然懷柔伐叛前王之  
令典興亡繼絕往哲之通規事必師古傳諸曩冊  
故立前百濟太子司稼正卿扶餘隆為熊津都督  
守其祭祀保其桑梓依倚新羅長為與國各除宿  
憾結好和親恭承詔命未為藩服仍遣使入右威  
衛將軍魯城縣公劉仁願親臨勸諭具宣成旨約  
之以婚姻申之以盟誓刑牲歃血共敦終始分災  
恤患恩若弟兄祇奉論言不敢失墜既盟之後共  
保歲寒若有棄信不恒二三其德興兵動眾侵犯  
邊陲明神鑒之百殃是降子孫不昌社稷無守禮

祀磨滅罔有遺餘故作金書鐵契藏之宗廟子孫  
萬代無或敢犯神之聽之是饗是福

討祖約蘇峻誓

晉郗鑒

賊臣祖約蘇峻不恭天命不畏王誅凶戾肆逆干  
國之紀陵洎五常侮弄神器遂制脅幽主拔本塞  
原殘害忠良禍虐黎庶使天地神祇靡所依歸是  
以率土怨酷兆庶泣血咸願奉辭罰罪以除元惡  
昔戎狄泯周齊相糾盟董卓陵漢羣后致討義存  
君親古今一也今幸上帝幽危百姓倒懸忠臣正  
士志存報國凡我同盟既盟之後戮力一心以救

社稷若二寇不梟義無偷安有渝此盟明神殛之符

按字書云符信也古無此體晉以後始有之唐世凡上追下其制有六其六曰符尚書省下於州州下於縣縣下於鄉皆用之蓋亦沿晉制也然唐文不少概身姑採晉及南朝諸篇列之亦以備一體云

討晉安王子勛等府 晉尚書 闕姓名

夫晦明遞運崇替相洽帝宋之基懋業維永聖祖重光氤氳上業狂昏指廢帝承祀國維以崇壽流

五縣彙穢三靈擗紳戮辱黔庶塗炭人神同憤朝野泣血聖上明明睿在躬膺符握耀眷懷家國夙夜劬勞懼社稷湮蕪彝倫左袒天威雷發氛沴冰消殄凶譙門不俟鳴條之旅殲虐牧野無勞孟津之鉞華夷即晏晷緯還光鏗鏘聞於管絃趨翔被於冠冕同軌仰化異域懷風劉子勛昏世稱兵義同翦惡明朝不戢同識邪正窺齋畿甸逼逼兩江陵上無君暴於遐邇王赫斯怒興言討違命彼上將治兵薄伐今遣寧朔將軍尋陽內史沈攸之輕銳七千飛舟先邁龍驤將軍劉靈遺羽林虎旅連

文體明詩卷三十九  
鋒繼造假節督南討前鋒諸軍事冠軍將軍兗州  
刺史殷孝祖驅濟河勁卒電擊雷動使持節車騎  
將軍江州刺史曲江縣開國侯王玄謨丞徒五萬  
董統前師使持節侍中司徒揚州刺史建安王休  
仁擁神州之衆總督羣師龍驤將軍劉劭寧朔將  
軍劉懷珍步騎五千直指大雷寧朔將軍柳倫司  
州刺史雁孟虬淮穎突騎邪嗣趣西陽使持節驃  
騎大將軍豫州刺史山陽王休祐總勒步師連旗  
百萬河舟代馬遙驚江濱越棘吳鉤交曜畿服笳  
鼓動坤維金甲震雲漢掎角相望水陸俱發冠軍

將軍武念率雍司之銳已據樊沔徐州刺史申令  
孫提彭宋剽勇陵塗森奮皇上當親馭六師降臨  
江服旌旆掩雲舳艫咽海昔吳楚連衡燕淮勁悍  
塵擾區內聲沸秦中霧散埃滅豈非先鑒而嬰彼  
孤城以待該天之網迫此烏合以抗絡寓之師雲  
羅四掩霜鋒交集猶勁颯之拂細草烈火之掃寒  
原焦卷之形昭然已著朝廷剛愎我僚吏哀矜我  
士民並亦何辜拘誤迷黨故加宣示令得自新如  
其淪惑不改抵冒王威同焚既至雖悔奚補奉詔  
以四王幼弱不幸陷難兵交之日不得妄加侵犯

若有逼損誅翦無貸左右，主帥嚴相衛奉，註誤之罪，一無所問。

討沈攸之符

南宋尚書

姓名

沈攸之，字文伯，時為太尉，行參軍，至明帝時，擢為戰功，為鎮西將軍，荆州刺史，加都督，漸懷不臣之心，朝廷制度無所遵奉，富貴擬於王者，順帝即位，加攸之車騎，大將軍，開府儀同三司，蕭道成遣人齎廢帝，到斷之，具以示之，攸之曰：吾寧為王陵死，不作買充生將，發江陵道成遣參軍西討之，尚書符曰：

沈攸之出自自壠，故寂寥累世，故司空沈公名廢以從父宗廢從攸之乃慶之愛之若子，羽翼吹嘘，得昇官次，景和廢帝昏悖，積畏柱臣，而攸之凶忍，越利

樂禍請銜詔旨，躬行反噬，又攸之與譚金童、泰壹等暴寵，狂朝並為心膂，同功共體，世號三侯。當時親昵，情過管鮑，仰遭革運，凶黨懼戮，攸之反善圖全，用得自免。既殺從父，又虐良朋，雖呂布、販君、鄺寄、費友方之斯人，未足為酷。泰始明帝年號開闢網漏，吞舟略其凶險，取其搏噬，故階亂獲全，因禍興福。攸之稟性空淺，躁而無謀，濃湖土崩，本非已力。彭城下邳，望旗霄遁，再紹王師，久應肆法，值先帝明帝宥其回溪之恥，冀有封嶠之捷，故得幸會，推遷頻煩，顯授內端，戎禁外綏，萬里聖去，鼎湖遠頌，顧命

託寄崇深義感金石而攸之始奉國諱喜形于顏  
 普天同哀已以為慶累登藩岳自郢遷荆晉熙王  
 名以皇弟代鎮地尊望重攸之斷割候迎肆意陵  
 略料擇士馬簡算器械權撥精銳並取自隨郢城  
 所留十不遺一專恣鹵奪罔顧國典踐荆已來恒  
 用姦數既懷異志興造無端乃感迫羣蠻騷擾山  
 谷揚聲討伐盡戶上下蟻聚郭邑伺國衰盛從來  
 積年未不解甲遂四野百縣路無男人耕田載租  
 皆驅女弱自古酷虐未聞於此昔歲桂陽內異陸  
 迫宗廟阡危攸之任官上流兵疆地廣勤王之舉

寔宜悉行裁遣羸弱不滿三千至郢州稟受節度  
 欲令判否之日委罪晉熙招誘劍客羈絆行侶竄  
 叛入境輒加擁護遁亡出界必遣窮追視吏若讎  
 遇民如草峻太半之賦暴參夷之刑夷參族鞭筆  
 國士全用虜法一人逃亡闔宗捕逮皇朝赦令初  
 不遵奉曠蕩之澤長隔彼州人懷怨望十室而九  
 今乃舉兵內侮姦向外熾斯寔惡熟罪成之辰決  
 癰潰疽之日幕府過荷朝寄義百常憤董御元戎  
 龔行天罰今遣新除使持節郢州司州之義陽諸  
 軍事平西將軍郢州刺史聞喜縣開國侯黃回員

外散騎常侍輔國將軍驍騎將軍重安縣開國子  
軍主王敬則屯騎校尉長壽縣開國男軍主王宜  
與屯騎校尉陳承叔右軍將軍葛陽縣開國男彭  
文之驃騎行參軍振武將軍邵宰精甲二萬衝其  
首旆又遣散騎常侍游擊將軍臨湘縣開國男呂  
安國持節寧朔將軍越州刺史孫曇瓏屯騎校尉  
寧朔將軍崔慧景寧朔將軍左軍將軍新亭侯任  
侯伯龍驤將軍虎賁中郎將尹略屯騎尉南城令  
曹虎頭輔國將軍驍騎將軍蕭諱新除寧朔將軍  
游擊將軍下邳縣開國子桓崇祖等舳舻二萬駱

驃繼邁又遣屯騎校尉苟元賓撫軍參軍郭文考  
撫軍中兵參軍程隱儒奉朝請諸襲光等輕艦一  
萬截其精要驍騎將軍周盤龍後將軍成實輔國  
將軍王勅勤屯騎校尉王洪範等鐵騎五千步道  
繼進先據陸路斷其走伏持節督雍梁二州郢州  
之竟陵司州之隨郡諸軍事征虜將軍寧蠻校尉  
雍州刺史襄陽縣開國侯新除鎮軍將軍張敬兒  
志節慷慨卷甲樊鄧水步俱馳破其巢窟持節督  
司州諸軍事征虜將軍司州刺史領義陽太守范  
陽縣侯姚道和義烈梗槩投袂方隅風馳電掩襲



其輜重萬里建於四方飛旆莫不總率衆師雲翔  
雷動人神同憤遠邇并心今皇上順帝聖明將相仁  
愛約法三章寬刑緩賦年登歲阜家給人足上有  
惠民之澤下無樂亂之心依之不識天時妄圖大  
逆舉無名之師驅離怨之衆是以朝野審其易取  
含讖判其成禽彼土士民罹毒日久今復相逼迫  
投赴鋒刃交戰之日蘭艾難分去就在機望思先  
曉無使一人迷疑而九族就禍也弘宥之典有如  
皎日依之卒敗自經於櫟  
林村人斬首送都

尚書符起都宮軍局

梁江淹

侍御史大夫尊冠賤履君臣斯位愛順惡逆成敗  
可憐音澆未有憑凌我江郊侵軼我河縣而不流  
冤漂膏丹宗血祀者也沈依之寂寥無文起自甲  
卒邀我百戰之軍乘彼一捷之幸鑄山裂地紐紫  
要同腰金擁旗藩伯使無北面之禮受符方屏即有  
專征之興箕賦深斂毒被郢南枉法矯刑毒聞荆  
西鬼怪其性故從始而遂終狼戾其志乃沿少而  
得老山陵不奔移袂為塵踐祚無賀賀按劍稱子遂  
乃闕馳送書亭炤妖火此而可賒也孰不可宥今  
遣陳承叔彭文之等敢勁三萬前驅電耀呂安國

任侯伯桓崇相曹虎頭等樓艦五萬騎射蛟中流  
荀元賓郭文孝程隱雋等輕舸二萬高旌蔽日月  
盤龍張文嘉薛道淵等鐵馬五千龍驤後陣凡此  
諸帥莫不氣薄日月精變虹蜺或飲羽石梁或超  
踰門樓索鐵拔距孤視萬旅顧盼則前後生風喑  
鳴則左右激雷然變戎薄臨驍虎百萬六軍徐軌  
五輅遲布丹艦發矅素甲生波樓煩白羽投鞍成  
岳漁陽黑騎浴鐵為羣於是高山與深谷共湮紫  
芝與白艾同滅不亦惜乎符至之日幸加三省其  
驅逼窺于之人鋒陣塢壁之主若有救命軍門一

無所問或能因罪之績賞不示私斬祛射袂唯功  
是與購募之科具列如上信如白水皦然無二臺  
明詳旨飛火普加宣才文書千里馳驛

討陳寶應符

陳尚書

姓名

告晉安士庶昔隴西旅拒漢不稽誅遼東叛漢魏  
申宏略若失無諸漢之策勳有扈夏之同姓至於  
納吳淠之子致橫海之師違如啓之命有甘誓之  
討况迺族不繫於宗盟名無紀於庸器而顯成三  
叛豐深四罪者乎案閩寇陳寶應父子并服支孽  
本迷愛敬梁季喪亂閩隅阻絕父既豪俠扇動蠻

陬推髻箕坐自爲渠帥無聞訓義所資姦諂爰肆  
蜂豺俄而解印炎行方謝網漏吞舟日月居諸奔  
之度外自東南王氣寔表聖基斗牛聚星允符王  
迹梯山航海雖若款誠擅割瓌珍竟微職貢朝廷  
遵養令弘寵靈隆赫起家臨郡兼書繡之榮裂地  
置州假藩麾之盛卽封戶牖仍邑櫟陽乘華轂者  
十人保敵廬而萬石丈以盛漢君臨推恩婁敬隆  
周朝會西長滕侯由是紫泥青紙遠賁恩澤鄉亭  
龜組頒及嬰孩自谷遷喬孰復爲擬而苞藏鴆毒  
敢行狠戾連結留異表裏周迪盟軟婚姻自爲脣

齒倔彊山谷推移歲時及我穀騎防山定秦望之  
西部戈船下瀨克匯澤之南川遂敢舉斧竝助凶  
孽莫不應弦摧斲盡殪醜徒每以罪在曾渠憫茲  
驅逼所收俘馘竝勒矜放仍遣中使爰降詔書未  
網恢弘猶許改思異旣走險迪又逃刑誑侮王人  
爲之川藪遂使袁熙請席遠歎頭行馬接觀蛙猶  
安井底至如過絕九賦剽掠四民闔境資財盡室  
封奪凡厥蒼頭皆略黔首蠶賊相扇叶契連蹤乃  
復踰超瀛漠寇擾峽口侵軼嶺嶠掩襲迷城縛掠  
吏民焚燒官寺此而可縱孰不可容今遣沙州刺

史俞文回明威將軍程文季假節宣猛將軍成州  
刺史甘他假節雲旗將軍譚瑱假節宣猛將軍前  
監臨海郡陳思慶前軍將軍徐智遠明毅將軍宜  
黃縣開國侯慧紀陳姓開遠將軍新除晉安太守趙  
象持節通直散騎常侍壯武將軍定州刺史康樂  
縣開國侯林馮假節信威將軍都督東討諸軍事  
益州刺史余孝順率羽林二萬蒙衝蓋海乘跨滄  
波掃蕩巢窟此皆明恥教戰濡須鞠旅累從揚僕  
丞走孫恩斬蛟中流命馮夷而鳴鼓鼙鼉為駕輜  
方壺而建旗義安太守張紹賓忠誠款到累使求

軍南康內史裴忠新除輕車將軍劉峯東衡州刺  
史錢道戢並即遣人仗與紹賓同行故司空歐陽  
公名顧昔有表奏請官薄伐遙途意合若伏波之論  
兵長逝遺誠同子顏之勿赦征南薨謝上策無忘  
周南餘恨嗣子弟忝廣州刺史歐陽紇克符家聲  
聿遵廣略舟師步卒二萬分趨水扼長鯨陸擊封  
稀董率衡廣之師會我六軍潼州刺史李曙明州  
刺史戴晃新州刺史區白獸壯武將軍脩行師陳  
留太守張遂前安成內史闕慎前廬陵太守陸子  
隆前豫章太守任蠻奴巴山太守黃法慈戎昭將

軍湘東公世子徐敬成吳州刺史魯廣達前吳州  
刺史遂興縣開國侯詳陳姓使持節都督征討諸軍  
事散騎常侍護軍將軍昭達章姓率緹騎五千組甲  
二萬直渡邵武仍頓晉安按轡揚旌夷山堙谷指  
期掎角以制飛走前宣威太守錢肅臨川太守駱  
牙太子左衛率孫詡尋陽太守莫景隆豫章太守  
劉廣德並隨機鎮遏絡驛在路使持節散騎常侍  
鎮南將軍開府儀同三司江州刺史新建縣開國  
侯法黃姓毘戒嚴中流以為後殿斧鉞所臨罪唯大  
惡及留異父子其黨主帥雖有請泥函谷相背准

陰若能翻然改圖因機立効非止肆膏仍加賞擢  
其建晉士民久被驅迫者大軍明加撫慰各安樂  
業流寓失鄉即還本土其餘立功立事已具賞格  
若執迷不改同惡趙趙斧鉞一臨固知所救  
檄

按釋文云檄軍書也說文云以木簡為書長尺  
二寸用以號召若有急則插雞羽而遣之故謂  
之羽檄言如飛之疾也古者用兵誓師而已至  
周乃有文告之辭而檄之名則始見於戰國史  
記載張儀為檄以告楚相曰始吾從若飲我不

盜而璧若筮我若善守汝國我顧且盜而城是也後人做之代有著作而其詞有散文有儷語儷語始於唐人蓋唐人之文皆然不專為檄也若論其大體則劉勰所稱植義屬辭務在剛健或述此休明或叙彼苛虐指天時審人事弄強弱角權勢標著龜於前驗懸盤銘於已然插羽以示迅不可使辭緩露板以宣衆不可使義隱此其要也可謂盡之矣今取數首以為法式其他報答諭告亦並稱檄故取以附焉又州邦徵更亦稱為檄蓋取明舉之義而其詞不存無從

採錄姑附其說于此

告青徐二州招降郡國檄

漢伏降

光武初張步兄弟各擁彊兵據有齊地拜  
國為太中大夫持節使青徐二州招降郡  
國檄告曰

乃者猾臣王莽殺帝盜位宗室興兵除亂誅莽故羣下推立聖公劉玄以主宗廟而任用賊臣誅殺戮賢良三主帝曾孫劉文伯自稱西平王作亂盜賊從橫忤逆天心卒為赤眉所害皇天祐漢聖哲應期陛下武神武奮發以少制衆故尋是以百萬

文選有詳卷三九

之軍潰散於昆陽王郎以全趙之師士崩於邯鄲  
 大彤高胡望旗消靡鐵脛五校莫不摧破梁王劉  
 永幸以宗室屬籍爵為侯王不知厭足自求禍棄  
 遂封爵牧守造為詐逆今虎牙大將軍步屯營十  
 萬已拔睢陽劉永奔進家已族矣此諸君所聞也  
 不先自圖後悔何及青徐羣盜得檄惶怖獲索賊  
 步遣使隨降請關上  
 書拜降光祿大夫

告郡國檄

漢隗躡

天水隗在聞更始立王莽兵連敗與兄義  
 及上封人楊廣冀人周宗謀起兵應漢推  
 躡為上將軍割牲而  
 盟移檄告郡國曰

漢復元年七月己酉朔己巳上將軍隗躡白虎將  
 軍隗崔左將軍隗義右將軍楊廣明威將軍王遵  
 雲旗將軍周宗等告州牧部監郡卒正連率太尹  
 尹尹字行尉隊大夫屬正屬令故新都侯王莽慢侮  
 天地悖道逆理鳩殺孝平皇帝篡奪其位矯託天  
 命偽作符書欺惑眾庶震怒上帝反戾飾文以為  
 祥瑞戲弄神祇歌頌禍殃楚越之竹不足以書其  
 惡天下昭然所共聞知今略舉大端以喻諭吏民  
 蓋天為父地為母禍福之應各以事降莽明知之  
 而冥昧觸冒不顧大忌詭亂天術援引史傳昔秦

始皇毀壞謚法以一二數欲至萬世而莽下三萬  
六千歲之歷同曆言身當盡此度循亡秦之軌推無  
窮之數是其逆天之大罪也分裂郡國斷截同地  
絡田為王由賣買不得規錮山澤奪民本業造起  
九廟窮極土作發冢河東攻劫丘壟此其逆地之  
大罪也尊任殘賊信用姦佞誅戮忠正覆按口語  
赤車奔馳法冠晨夜冤繫無辜妄族眾庶行炮烙  
之刑除順時之法灌以醇醢裂以五毒政令日變  
官名月易貨幣歲改吏民昏亂不知所從商旅窮  
窘號泣市道設為六管酤酒賣鹽鐵器鑄錢名山  
大澤皆令縣官主稅收其

利增重賦斂刻剝百姓厚自奉養苞苴流行財入  
公輔上下貪賄莫相檢考民生挾銅炭犯鑄沒入  
鍾官之鑄錢徒隸殷積數十萬人工匠飢死長安  
皆臭既亂諸夏狂心益悖北攻強胡南擾勁越西  
侵羌戎東摘也擾濊貊使四境之外並入為害緣邊  
之郡江海之頽滌也蕩地無類故攻戰之所敗苛法  
之所陷饑饉之所夭疾疫之所及以萬萬計其死  
者則露屍不掩生者則奔亡流散幼孤婦女流離  
係虜此其逆入之大罪也是故上帝哀矜降罰于  
婦女子顛殞還自誅川大臣反據亡形已成大司



馬董忠國師劉歆衛將軍王涉皆結謀內潰司命  
孔仁納言嚴尤秩宗陳茂舉眾外降今山東之兵  
二百餘萬已平齊楚下蜀漢定宛洛據敖倉守函  
谷威命四布宣風中岳嵩高也更興滅繼絕封  
定萬國遵高祖之舊制脩孝文之遺德有不從命  
武軍平之馳使四夷復其爵號莽初敗四夷君長  
然後還師振旅橐弓卧鼓申命百姓各安其所庶  
無負子之責

為袁紹檄豫州劉備時未

魏陳琳

漢獻帝建安中袁紹為大將軍兼督冀青  
幽并四州琳時避難黃州紹使典文竟及  
左將軍劉備起兵徐州琳  
為紹作此檄以告之曰  
左將軍領豫州刺史郡國相守蓋聞明主圖危以  
制變忠臣慮難以立權是以有非常之人然後有  
非常之事有非常之事然後立非常之功夫非常  
者故非常人所擬也曩者彊秦弱主二世趙高執柄  
專制朝權威福由已時人迫脅莫敢正言終有望  
夷之敗二世自殺祖宗焚滅于望夷宮牙辱至今永為世鑒  
及臻呂后季年產祿族專政內兼二軍南北外統梁  
趙產梁王擅斷萬機決事省禁下陵上替海內寒

心於是絳侯周勃朱虛劉章興兵奮怒誅夷逆暴尊立  
太宗文孝故能王道興隆光明顯融此則大臣立權  
之明表也司空曹操祖父中常侍騰與左官徐璜  
並作妖孽饕餮放橫傷化虐民父嵩騰養鸞養  
養因賊假位與金輦璧輸貨權門竊盜鼎司傾覆  
重器操贅闖遺醜本無懿令作德操狡鋒恣好亂  
樂禍幕府袁紹董統鷹揚掃除凶逆闖續遇董卓  
侵官暴國於是提劍揮鼓發命東夏收羅英雄棄  
瑕取用故遂與操同諮合謀授以裨也帥謂其鷹  
犬之才爪牙可任至乃愚佻短略輕進易退傷夷

折衄數喪師徒幕府輒復分兵命銳脩完補輯表  
行東郡太守領兗州刺史被以虎文獎成威柄冀  
獲秦師一剋之報而操遂承資跋扈肆行凶忒割  
剝元元殘賢害善故九江太守邊讓英才俊偉天  
下知名直言正色識不阿諂身首被梟懸之誅妻  
孥受灰滅之咎操族自是士林憤痛民怨彌重  
夫奮臂舉州同聲故躬破於徐方徐州刺史陶謙地奪於  
呂布彷徨東裔蹈據無所幕府惟推彊作弱如枝  
之義且不登叛人呂布之黨故復援旌擐甲席卷起  
征金鼓響振布眾奔沮拯其死亡之患復其方伯

之位則幕府無德於克土之民而有<sub>レ</sub>大造於操也  
 後會鸞駕帝獻及旃羣虜寇攻時冀州方有<sub>レ</sub>北鄙之  
 警兵公孫瓚舉匪遑離局故使從事中郎徐勣就發  
 遣操使繕脩郊廟翊衛幼主亦指操便放志傳行  
 脅遷當御省禁卑侮王室放法亂紀坐領<sub>三</sub>臺尚  
 為<sub>中</sub>臺御史為憲專制朝政爵賞由心刑戮在口  
 臺謂者為<sub>外</sub>臺所惡滅三族羣談者受顯誅腹議者  
 所愛光五宗所惡滅三族羣談者受顯誅腹議者  
 蒙隱戮百察鉗口道路以目尚書記朝會公卿充  
 員品而已故太尉楊彪典歷<sub>三</sub>司既為大尉又享  
 國極位操因緣耻暱被以非罪榜楚參并五毒備

至觸情任忒不顧憲網又議郎趙彥忠諫直言義  
 有<sub>レ</sub>可納是以聖朝含聽改容加飾操欲迷奪時明  
 杜絕言路擅收立殺不俟報聞又梁孝王先帝母  
 昆名武弟墳陵尊顯桑梓松栢猶宜肅恭而操帥  
 將東土親臨發掘破棺裸尸掠取金寶至令聖朝  
 流涕士民傷懷操又特置發丘中郎將摸金校尉  
 所過墮突無骸不露身處<sub>三</sub>公之位而行桀虜之  
 態汙國虐民毒施入鬼加其細政苛慘科防互設  
 曾繳充蹊坑穿塞路舉手挂網羅動足觸機陷是  
 以克豫有無聊之民帝都有吁嗟之怨歷觀載籍

無道之臣貪殘酷烈於操為甚幕府方詰外姦未  
 及整訓加緒含覆容作冀可彌縫而操豺狼野心  
 潛包禍謀乃欲摧撓棟梁孤弱漢室除滅忠正專  
 為梟雄往者伐鼓北征孫瓚彊寇桀逆拒圍一  
 年操因其未破陰交書命操暗與外助王師內相  
 掩襲故引兵造河方舟北濟會其行人發露瓚亦  
 梟夷故使鋒芒挫縮厥圖不果爾乃大軍過蕩西  
 山紹破屠各左校皆束手奉質爭為前登犬羊  
 殘醜消淪山谷於是操師震懼晨夜逋遁屯據敖  
 倉阻河為固欲以螳螂之斧禦隆車之隧猶轍慕

府奉漢威靈折衝宇宙長戟百萬胡騎千羣奮中  
 黃育獲之士中黃伯夏育烏騁良弓勁弩之勢并  
 州越太行青州涉濟漯大軍汎黃河而角其前荆  
 州下宛葉而掎疋其後雷震虎步並集虜庭若舉  
 炎火以炳音納飛蓬覆滄海以沃燹飛炭有何不  
 消滅者哉又操軍吏士其可戰者皆出自幽冀或  
 故營部曲咸怨曠思歸流涕北顧其餘兗豫之民  
 及呂布張揚之遺眾覆亡迫脅權時苟從各被創  
 夷人為讐敵若迴旆方徂登高岡而擊鼓吹揚素  
 揮皞以啓降路必土崩瓦解不俟血刃方今漢室

文選明帝卷三十九  
陵遲網維弛絕聖朝無一介之輔股肱無折衝之  
勢方畿之內簡練之臣皆垂頭搨翼莫所憑恃雖  
有忠義之佐脅於暴虐之臣操焉能展其節又操  
持部曲精兵七百圍守宮闕外託宿衛內實拘執  
懼其篡逆之萌因斯而作此乃忠臣肝腦塗地之  
秋烈士立功之會可不易哉操又矯命稱制遣使  
發兵恐邊遠州郡過聽而給與強寇弱王違眾旅  
叛舉以喪名為天下笑則明哲不取也即白幽并  
青冀四州並進書到荊州便勒見兵與建忠將軍  
張協同聲勢州郡各整戎馬羅落境界舉師揚威

並匡社稷則非常之功於是乎著其得操首者封  
五千戶侯賞錢五千萬部曲偏裨將校諸吏降者  
勿有所問廣宣恩信班揚符賞布告天下咸使知  
聖朝有拘偪之難如律令依附宜歸也後紹敗  
琳歸操操曰卿昔為本初移書但可罪狀孤而已  
惡止其身何乃上及祖邪琳謝罪曰矢在絃上  
不可不發操愛其木而不責之琳初紹字也○梁  
劉勰曰琳之傲壯有骨鯁雖姦關攜養章密太甚  
發丘模金誣過其虛然抗辭書囊  
敢指操鋒得免於袁黨之戮幸矣  
檄吳將校部曲文  
魏陳琳  
年月朔日子時發檄尚書令或荀告江東諸將校部  
曲及孫權宗親中外蓋聞禍福無門唯人所召夫

文選明帝卷三十九

檄

二八

見機而作不處凶危上聖之明也臨事制變困而  
 能通智者之慮也漸漬荒沈往而不反下愚之蔽  
 也是以太雅君子於安思危以遠咎悔小人臨禍  
 懷佚以待死亡二者之量不亦殊異乎孫權小  
 子未辨菽麥要同領不足以膏齊齊未詳義斧名字不  
 足以誇簡墨譬如敲鼓音卵始生翰毛而便陸梁放  
 肆顧行吠主謂為舟楫足以距皇威江湖可以逃  
 靈誅不知天網設張以在綱目鱉鱖之魚期於消  
 爛也若使水而可恃則洞庭無三苗之墟子陽孫  
 無荆門之敗朝鮮之壘不刊南越之旌不拔昔

夫差吳王承闔閭父名之遠跡用申胥伍員字子

之訓兵棲越會稽可謂彊矣及其抗衡上國與晉

爭長都城屠於句踐越王武卒散於黃池終於覆

滅身罄越軍及吳王溷驕恣屈搢強去聲猖獗始亂

自以兵彊國富勢陵京城太尉周亞夫帥師甫下柴

陽則七國之軍瓦解冰泮溷之罵言未絕於口而

丹徒之舟已陷其胷何則天威不可當而悖逆之

罪重也且江湖之衆不足恃也自董卓作亂以迄

於今將二十載其間豪桀縱橫熊據虎峙疆如二

袁術勇如呂布跨州連郡有威有名者十有餘輩

其餘鋒悍特起鷄視狼顧爭為梟雄者不可勝數  
然皆伏鈇嬰鉞首腰分離雲散原燎固有子遺近  
者關中諸將馬超楊秋李復相合聚續為叛亂阻  
二華據河漕驅率羌胡齊鋒東向氣高志遠似若  
無敵丞相曹操秉鉞鷹揚順風烈火元戎啓行朱鼓  
而破伏尸千萬流血漂橈此皆天下所共知也是  
後大軍所以臨江而不濟者以韓約馬超逋逸迸  
散脫走還涼州復欲鳴吠逆賊宋建僭號河首同  
惡相救並為唇齒又鎮南將軍張魯負固不恭皆  
我王誅所當先加故且觀兵旋旆復整六師長驅

西征致天下誅偏將涉隴則建約梟夷表也首萬  
里軍入散關則羣氏率服王侯豪帥奔走前驅進  
臨漢中則陽平關不守十萬之師土崩魚爛張魯  
逋竄走入巴中懷恩悔過委質還降巴夷王朴胡  
賓邑侯杜濩各帥種落共舉巴郡以奉王職鉦鼓  
一動二方俱定利盡西海兵不屯鋒若此之事皆  
上天威明社稷神武非徒人力所能立也聖朝寬  
仁復載允信允文大啓爵命以示四方魯及胡濩  
皆享萬戶之封魯之五子各受千室之邑胡濩子  
弟部曲將校為列侯將軍已下千有餘人百姓安

諸四民反業而建約之支一作屬皆為鯨鯢超之妻  
孛焚首金城父母嬰孩覆尸許市非國家鍾禍於  
彼降福於此也逆順之分不得不此下述往年然  
夫擊鳥先高攫鷲之勢也牧野之威孟津之退也  
今者枳棘翦抔戎夏以清萬里肅齊六師無事故  
大舉天師百萬之衆與匈奴南單于呼完厨及六  
郡烏桓丁令屠各湟中羌蕤寔奮席卷自壽春而  
南又使征西將軍夏侯淵等率精甲五萬及武都  
氏羗巴漢銳卒南臨汶江搃據庸蜀江夏襄陽諸  
軍橫截湘沅以臨豫章樓船橫海之師直指吳會

萬里剋期五道並入權之期命於是至矣丞相銜  
奉國威為之除害元惡大憝必當梟夷至於枝附  
葉從皆非詔書所特擒襲故每破滅疆敵未嘗不  
務在先降後誅拔將取才各盡其用是以立功之  
士莫不翹足引領望風響應昔袁術僭逆王誅將  
加則廬江太守劉勳先舉其郡還歸國家呂布作  
亂師臨下邳張遼侯成率衆出降還討睦固薛洪  
膠音固留尚固留留皆駐開城就化化就王官渡之役則張  
郃高奭舉事立功後討袁尚則都督將軍馬延故  
豫州刺史陰夔射聲校尉郭昭臨陣來降圍守荆

文禮通考卷三十九

一教

三十一



城則將軍蘇游反為內應審配兄子名榮開門入兵  
既誅袁譚則幽州大將焦觸攻逐袁熙舉縣來服  
凡此之輩數百人皆忠壯果烈有智有仁悉與丞  
相參圖畫策折衝討難芟敵舉旗靜安海內豈輕  
舉措也哉誠乃天啓其心計深慮遠審邪正之津  
明可否之分勇不虛死節不苟立屈伸變化唯道  
所存故乃建丘山之功享不訾之祿朝為佐虜夕  
為上將所謂臨難知變轉禍為福者也若夫說誘  
甘言懷寶小惠泥滯苟且沒而不覺隨波漂流與  
燹俱滅者亦甚衆多吉凶得失豈不哀哉昔歲軍

在漢中東西懸隔合肥遺守不滿五千權親以數  
萬之衆破敗奔走今乃欲當禦雷霆難以冀矣夫  
天道助順人道助信事上之謂義親親之謂仁盛  
孝章名憲為吳郡太守君也而權誅之孫輔兄也而權殺  
之賊義殘仁莫斯為甚乃神靈之逋罪下民所同  
讐鼻雙之入謂之凶賊是故伊華即伊尹去夏不為  
傷德飛廉死紂不可謂賢何者去就之道各有宜  
也丞相深惟江東舊德名臣多在載籍近魏叔英  
秀出高峙著名海內虞文繡砥礪清節耽學好古  
周恭明當世雋彥德行脩明皆宜膺受多福保

漢書卷之九

女

三

子孫而用盛門戶無辜被戮遺類流離湮沒林莽  
 言之可為愴然聞魏用榮子叔英虞仲翔名翻文各  
 紹堂構能負折薪及吳諸顧陸顧陸並吳著姓舊族長者  
 世有高位當報漢德顯祖揚名及諸將校孫權婚  
 親皆我國家良寶利器而並見驅逐也雨絕於天  
 復之理言無還有斧無柯何以自濟相隨顛沒不亦哀乎  
 蓋鳳鳴高岡以遠爵羅賢聖之德也鷦鷯之鳥巢  
 於葦若若折子破下愚之感也今江東之地無異  
 葦若諸賢處之信亦危矣聖朝開弘曠蕩重惜民  
 命誅在一人與衆無忌故設非常之賞以待非常

之功乃霸夫烈士奮命之良時也可不勉乎若能  
 翻然大舉建立元勳以應顯祿福之上也如其未  
 能能竿筭也量大小以存易亡亦其次也夫係蹄在  
 定則猛虎絕其蹠足蝮蛇在手則壯士斷其節何  
 則以其所全者重以其所弃者輕若乃樂禍懷寧  
 迷而忘復聞大雅之所保背先賢之去就忽朝陽  
 之安甘折若之末日忘一日以至覆沒大兵一放  
 玉石俱碎雖欲救之亦無及已故令往購募爵賞  
 科條如左檄到詳思至言如詔律令按珠初事袁  
 曹操操之惡及其附操則為操數孫權之過及面事  
 久曾無愧色不足校也獨其文深得檄體故並取

之  
唐駱賓王

為徐敬業以武后臨朝移諸郡縣檄

唐駱賓王

偽周武氏者性非和順地實寒微昔充太宗下陳  
曾以更衣入侍洎乎晚節穢亂春宮潛隱先帝  
宗之私陰圖後房之嬖入門見嫉蛾眉不肯讓  
人掩袖工讒狐媚偏能惑主踐元后於翬翟陷  
吾君高於聚塵加以虺蜴為心豺狼成性近狎  
邪僻殘害忠良殺姊屠兄弑君鴆母人神之所  
同嫉天地之所不容猶復苞藏禍心窺竊神器  
君之愛子幽

之於別宮賊之宗盟委之以重任嗚呼霍子孟  
光名之不作朱虛侯劉之已亡燕啄皇孫知漢祚之將  
盡龍漦帝后識夏庭之遽衰敬業皇唐舊臣公侯  
冢子奉先君之成業荷本朝之厚恩宋微子之興  
悲良有以也袁君山之流涕豈徒然哉是用氣憤  
風雲志安社稷因天下之失望順宇內之推心爰  
舉義旗以清妖孽南連百越北盡三河鐵騎成羣  
玉軸相接海陵紅粟倉儲之積靡窮江浦黃旗匡  
復之功何遠班聲動而北風起劔氣衝而南斗平  
喑鳴則山岳崩頽叱咤則風雲變色以此制敵何

文體月祥卷三十一

檄

三十一

敵不摧以此圖功何功不克公等或居漢地或叶  
周親或膺重寄於話言或受顧命於宣室言猶在  
耳忠豈忘心一杯之土未乾六尺之孤何託儻能  
轉禍為福送往事君共立勤王之圖無廢大君之  
命凡諸爵賞同指山河若其眷戀窮城徘徊岐路  
坐昧先幾之兆必貽後至之誅請看今日之域中  
竟是誰家之天下

討黃巢檄

唐鄭畋

鳳翔隴節度使檢校尚書左僕射同中書門下平  
章事充京西諸道行營都統上柱國棗陽郡開國

公食邑二千戶鄭畋移檄告諸藩鎮郡縣侯伯牧  
守將吏曰夫屯享有數否泰相沿如日月之蔽虧  
似陰陽之愆伏是以漢朝方盛則莽卓肆其姦兇  
夏道味衰而羿浞騁其殘酷不無僭越尋亦誅夷  
即知妖孽之生古今難免代有忠臣之士力爲匡  
復之謀我國家應五運以承乾躡三王之垂統綿  
區飲化西宇歸仁十八帝之鴻猷銘於神鼎三百  
年之睿澤播在人謠加以政尚寬弘刑無枉濫翼  
翼勤行於王道孜孜務恤於生靈足可傳寶祚於  
無窮御瑤圖於不朽近歲螟蝗作害早曠延災因

令無賴之徒遽起亂常之暴雖加討逐猶肆猖狂  
草賊黃巢奴僕下才豺狼醜類寒耕熟耨不勵力  
於田疇媮食靡衣務偷生於剽奪結連兇黨驅迫  
平人始擾害於里閭遂侵凌於郡邑屬以藩臣不  
武戎士貪財徒加討逐之名竟作遷延之役致令  
滋蔓累有邀求聖上愛育情深含弘道廣指萬方  
而罪已用百姓以為心假以節旄委之藩鎮冀其  
悛革免困疲羸而殊無犬馬之誠但恣蟲蛇之毒  
剽掠我征鎮覆沒我京都凌辱我衣冠屠殘我士  
庶視人命有同於草芥謂大寶易取如奕碁而乃

竊據宮闈偽稱名號爛羊頭而拜爵續狗尾以命  
官鷲巢幕以誇安魚在鼎而猶戲殊不知五侯拗  
怒期分項羽之屍四塚既成待葬蚩尤之骨猶復  
廣侵田宅濫瀆貨財比磔壑以難盈類烏鳶而縱  
攫茫茫赤縣僅同夷貊之鄉惴惴黔黎若在狴牢  
之內固以人神共怒行路傷心敗謬領藩垣榮兼  
將相每枕戈而待旦常泣血以忘餐誓與義士忠  
臣共翦狐鳴狗盜近承詔命會合諸軍皇帝親御  
六師即離三蜀霜戈萬隊鐵馬千羣雕虎嘯以風  
生應龍驤而雲起淮南高相公駢會關東諸道百

萬雄師計以夏初會於關內畝與涇原節度使程宗楚秦州節度使仇公遇等已驅組練大集關畿爭麾隴右之蛇矛待掃關中之蟻聚而吐蕃党項以父被皇化深憤國讎願以沙漠之軍共獻盪平之捷此際華戎合勢藩鎮連衡旌旗煥爛於雲霞劔戟晶熒於霜雪莫不持繩待試賈勇爭先思垂竹帛之功誓雪朝廷之恥矧茲殘孽不足殄除况諸道世受國恩身縻好爵皆貯匡邦之略咸傾致至之誠自函洛構氛鑿興避狄莫不指銅駝而背裂望玉壘以魂銷聞此勤王固宜投袂更希憤激

速殄寇讎永圖社稷之勲以報君親之德迎鑿反正豈不休哉時傳宗駕在坤維音驛阻絕以為朝廷無能復振及敗傳檄諸藩聳動各治勤王之師巢賊聞之大懼自是賊騎不過京西當時非畝拒賊之衝襄蜀危矣

答雍閩檄

漢呂覲

益州郡大姓雍閩反聞先主崩驕黠滋甚既又降於吳吳遙置閩為永昌太守時覲為求昌郡五官掾功曹與府丞蜀郡王伉帥厲吏民閉境拒閩閩數移檄求昌覲答曰檄

天降喪亂奸雄乘釁天下切齒萬國悲悼臣妾太小莫不思竭筋力肝腦塗地以除國難伏惟將軍世受漢恩以為當躬聚黨眾率先啓行上以報國

家下不負先人書功竹帛遺名千載何期臣僕吳越皆本就末乎昔舜勤民事隕于蒼梧書籍嘉之流聲無窮崩于江浦何足可悲文武受命成王乃平先帝龍興海內望風宰臣聰睿自天降康而將軍不覩盛衰之紀成敗之符譬如野火在原蹈履河冰火滅冰泮將何所依附曩者將軍先君雍侯造怨而封竇融知興歸志世祖皆流名後葉世歌其美今諸葛丞相英才挺出深覩未萌受遺託孤翊贊季興與眾無忌錄功忘瑕將軍若能翻然改圖易跡更步古人不難追鄙士何足宰哉蓋聞楚

國不恭齊相是責夫差僭號晉人不長況臣於非主誰肯歸之邪竊惟古義臣無越境之交是以前後有來無往重承告示發憤忘食故略陳所愚惟將軍察焉

喻論巴蜀檄

漢司馬相如

漢武帝時中郎將唐蒙奉使略通夜郎爨中發巴蜀吏卒千人郡又多為發轉漕萬餘人用軍興法誅其渠率巴蜀民大驚恐是時相如為郎帝聞之乃遣相如責唐蒙等因諭告巴蜀民以非上意

告巴蜀太守蠻夷自擅不討之日久矣時侵犯邊境勞士大夫陛下即位存撫天下集

史記安

中國然後興師出兵見出師之北征匈奴單于怖  
 駭交臂受事屈膝請和康居西域重譯納貢稽首  
 顙作來享也移師東指閩越相誅右弔番禺太子  
 入朝東越太子入朝故遣太子入朝番禺南越郡名也南夷之  
 君西燹之長常效貢職不敢惰怠延頸舉踵喁喁  
 然衆口向皆鄉嚮讀曰風慕義爭歸義欲為臣妾道  
 里遼遠山川阻深不能自致夫不順者已誅指匈奴  
 域而為善者未賞指巴蜀故遣中郎將唐蒙往賓伏  
 之發巴蜀之史記無士史記有各五百人以奉幣  
 帛史記無衛使者不然變靡有兵革之事戰鬪之

患本意未嘗今聞其乃發軍興制驚懼子弟憂患  
 長老於此歸過郡又擅為轉粟運輸於有司皆非陛  
 下之意也當行者或亡逃自賊殺亦非入臣之節  
 也此轉最妙言使者有司夫邊郡之士聞塗史記  
 舉燧燔皆攝張弓而馳荷兵而走流汗相屬唯恐  
 居後觸白刃冒流矢議不反顧計不旋踵人懷怒  
 心如報私讎彼豈樂死惡生非編列之民而與巴  
 蜀異主哉計深慮遠急國家之難而樂盡入臣之  
 道也揚此以故有剖符之封析珪而爵位為通侯  
 居文選列東第甲第在帝終則遺顯號於後世傳



土地於子孫盛稱爵位事行行史記作甚忠敬居位  
甚安佚文選名聲施於無窮功烈著而不滅是以  
賢人君子肝腦塗中原膏液潤埜史記作而不  
辭也今奉幣使使記至南夷即自賊殺或亡逃抵  
也誅身死無名謚為至愚恥及父母為天下笑人  
之度量相越豈不遠哉然此非獨行者之罪也父  
兄之教不先子弟之率不謹寡廉鮮恥而俗不長  
厚也此轉更妙并其被刑戮不亦宜乎陛下患使  
者有司之若彼悼不肖愚民之如此故遣信使誠  
使曉諭史記百姓以發卒之事因數責之以不忠

死亡之罪讓三老孝弟以不教誨之過方今田時  
重也難煩百姓已親見近縣近縣則親恐遠所谿谷  
山澤之民不徧聞檄遠所檄到亟也急下縣道縣有  
日道史記咸諭文選作如陸下史記有意雅史記有  
毋忽史記有也字宋樓助曰此篇全為武帝文  
可謂深得體告諭之體

叔  
78  
8

文體明指卷二十九

不

四

問

慈字如朱

